



冀州圖經

大興邵自悅習園參

金谿王謨仁甫輯

紇真山在城東北登之望桑紇代郡數百里內宛然  
郡國志云望之數百里內夏恒積雪故彼人語曰紇  
真山頭凍死雀何不飛去生處樂神仙人歌曰紇真  
山頭有神丹入地千尺絕骨冷是山北十里有白登  
山

元姬山在馬邑後魏書云道武侍人姓李善謳歌死

葬此山魏主思之樂府爲之曲其曲存焉

白登山在定襄縣西五里

平山西入文成郡以山爲界莊子云堯見姑射神人  
杳然喪其天下卽爲此山也本名姑射山

鄴城西有石鼓鼓自鳴卽有兵魏都賦云神鉦迢遞  
於高巒是也齊末此鼓鳴未幾云鄴城有兵而齊滅

隋文季年又鳴聞數百里也李善文選魏都賦注引

山上有石鼓之形俗言時一自鳴劉邵趙都賦  
曰神鉦發聲俗云石鼓鳴則天下有兵革之事

淇水西從河內郡界入至黎陽而東北至臨河西至

王莽河出焉又東經澶淵東入武陽河南卽東郡界  
是

河陽在河內郡南六十里有宮有關

趙武靈王胡服而征遂有獫狁之地漢高帝以韓王

信壯武乃以太原郡爲韓國徙信以備胡信以晉陽

去塞遠請理馬邑上乃許之後匈奴圍信信數求救

上賜書責信信懼以馬邑降胡並御覽

雀鼠谷在孝義縣南二十里長一百一十里南至臨

汾郡霍邑縣界汾水出於谷內南流入河卽周書調

鑿谷

侯甲水出平遙北流入太原界

中都縣城東北五里春秋昭公二年晉侯執齊無宇於中都是此

綿上田嶽廟甚靈烏鵲不棲其林猛獸常守其庭

樓煩城在縣東北七十里史記云樓煩匈奴國趙武靈王有鹽官是也

湫水河北有樓煩郡南入龍泉郡經呂梁尸子云呂梁未闢河出孟門爲二呂梁在離石北以東可三十

餘里

姑射山西邑文城郡以山爲界莊子藐姑射之山有神人居焉肌膚若冰雪綽約若處子不食五穀吸風飲露乘雲氣御飛龍而遊乎四海之外堯見之宥然喪其天下卽此地也

汾水東北從西河界入歷郡西南入絳郡

沁水東北從上黨至郡東南入長平界

長平關在縣北五十里

都向二城在今縣西三十五里秦據西城趙守東城

秦坑趙卒在此

析城接陵川縣

濁漳出長子西南流入涉縣界與清漳合又東入魏

郡

鹿谷山有大道入壺口東出達襄國西登奚斯巨嶺

以達河東徑阻千里

刁黃山在縣西六十里亦名發瓮山漳水出焉壺關

三老上書明戾太子冤者死於此而冢存

潞縣西三十里黃阜山有城亦名黃沙嶺劉聰將纂

毋刺敗晉將崔恕於黃阜斬之

屯留縣有鹿瀆山卽絳水源所出

松門嶺在襄垣縣北一百三十里道通太原驛路

涑水東從絳郡界入至長陽城南爲陂

荀城在縣西一十五里卽重耳所居之所

清原城在縣西二十里晉文公蒐於此作二軍以禦

狄

蒲水從北龍泉郡入日斤川注於河

廣武縣在勾注陘南口之南二十里

淳沱之水經繁時故城西三里與五泉合又西南入樓煩郡秀容界又還入崞縣又入秀容界東北入五臺南入恒山界

古平城在白登臺南二里有水焉城東西八里南北九里

雲中郡南有君子津卽大河之津

河水西從榆林郡界入至州西南入馬邑郡界

大同以西紫河以東橫亘而東至碣石綿亘千里

雲中周圍十六里北去陰山八十里南去通漠長城

百里卽白道川也南北遠處三百里近處百里東西五百里至良沃沙土而黑省功多獲每至七月乃熟白道川當原陽鎮北欲至山上當路有千餘步地土白而石灰色遙去百里卽見之卽是陰山路也從此以西及紫河以東當陰山北者惟此道通方軌自外道皆小而失次者多  
青坡道自平城東南四十里西北出至紇真山東北斜向平城西門山東出經白登山南脚一百步仍東迴二十里出渴鉢口更行六十里至陽門口其道始

達魏聖武田於山澤神女從天降聖武與之交後期  
一歲復會生一男卽神元留之上昇而去神元卽魏  
始祖也

入塞三道自周秦漢魏以來前後出師北伐唯有三  
道其中道正北發太原經雁門馬邑雲中出五原塞  
直向龍城卽匈奴單于十月大會祭天之所也一道  
東北發向中山經北平漁陽向白檀遼西歷平岡出  
盧龍塞直向匈奴左地卽左賢王所理之處一道西  
北發自隴西武威張掖酒泉燉煌歷伊吾塞匈奴右

地卽右賢王所理之處自晉陽以北地勢漸寒平城  
馬邑凌源二丈雲中五原積水四五十尺唾出口成  
冰牛凍角折而畜牧滋繁

烏蘓城在縣西北二十里有銅鞮冰是也

涅城在縣西六十里後魏初於此立豐州北齊改曰

戎州後周廢

萬根谷卽向交城道亦羊腸道也

武周山在郡西北東西數百里南北五十里山之南  
面千仞壁立

太平城城上埤垣却敵在內郭城東西南北各十里  
內有統萬所送大釜二口在內各受二百石  
梁郡城在鄆陽北二十里卽余朱榮所居  
後魏太和中文明皇太后來幸釣得鯉魚一雙皆長  
三尺以黃金爲鎖穿腮放於池內後皆長五尺其一  
浮天爲五色虹而去一在池至孝昌元年六月行臺  
元淵北伐頓此決池取魚鱗甲非常元淵忍而殺之  
得金二斤八兩元淵來年爲葛榮所殺

踐土城在河陽縣東七里洛陽西北四十二里左傳

盟於踐土是也

野王城卽今懷州理也史記云衛元君爲秦所奪自

濮陽徙此

南斗城在今武德縣北二十里北斗城在縣北五十

一里

清水出共城西北界白鹿山東南流入汲郡

武帝元鼎六年上幸汲郡新中鄉至此聞得呂嘉首  
因以獲嘉名縣卽此處在縣西南十里古城存高齊  
天保七年移獲嘉於今共城西此城遂廢



白溝起衛在縣南出大河北入魏郡  
枋頭城在衛縣南去河八里對酸棗棘津是也卽漢  
建安中曹公於淇水口下大枋木以成堰遏淇水東  
入白溝以通漕運故時人號其處爲枋頭晉太和四  
年大將軍桓溫北伐慕容暉時亢旱水道不通乃鑿  
鉅野三百餘里以通舟運自清水入河暉將慕容垂  
率衆八萬來拒溫大破之遂至枋頭會軍糧竭盡焚  
舟退步垂以八千騎追之溫戰敗於襄邑亦謂此也  
後苻氏克鄴入枋頭爲永昌縣

槽邱酒池去朝歌南一里  
人依約識之  
倉城在黎陽縣西南隅袁紹聚糧之所

按隋志有冀州圖經一卷唐志不載其書已亡無  
可叙錄今僅從御覽鈔出入條侯甲水以下寰宇  
記俱引作冀州圖今並鈔出四十六條

馬其許與限國今並檢出四十六科

何殊疑今勸築高麗檢出人對對以水以不實學

對前志自與限國登一尋書志不歸其書曰字無

後州其與國檢而南即東歸來歸文而

對何國志去博知南一里國人對其歸之

并州記

金谿王 謨仁甫輯

介山一名橫嶺左傳僖二十四年晉侯賞從亡者介  
之推不及祿遂與母偕隱而死晉侯求不獲以綿上  
田封之以志吾過且旌其人杜注曰西河介休縣南  
有地名綿上也

并州其氣勇抗誠信韓趙魏分三晉謂剽悍盜賊常

爲他郡劇並御覽

按隋唐志俱無此記他書亦未見稱引今惟從御



叙錄

隋志鮑至撰南雍州記六卷

唐志鮑堅撰三卷

按本記稱簡文鎮襄陽日引劉孝威庾肩吾等於高齋綜覆詩集鮑至亦在其列則此記當卽至所自撰唐志作鮑堅蓋以二字相似致誤若御覽書目作郭仲產則仲產在宋已坐義宣事誅安得至梁說郭題作晉王韶益非也今從本記斷作鮑至并鈔出史記正義二條水經注一條初學記一條御覽七條寰宇記二十條太平廣記一條說郛二

條

後世出史蹟五秦二利水器也一新時學時一新  
...  
自然鼎志於望益以二字辨別疑難殊勝覽者

鮑至南雍州記

金谿王 謨仁甫輯

襄陽樊學溥 校

永嘉之亂三輔豪族流於樊沔僑於漢側立雍州因  
人所思以安百姓也宋文帝因之置南雍州焉

鄧縣即古樊城本仲山甫之國

穀城穀伯綏之舊國也昔城門前有石人刻其腹曰

摩韃慎莫言亦金人緘口銘之流也今無矣

穰楚之別邑秦初侵楚封公子悝為穰侯後屬韓秦

昭王取之也

史記正義

秦將白起伐楚之日涉蠻水而濟因道白公湍今有三磧亦名三州赤石湍

晉平吳割臨沮之北鄉立上黃縣

劉表嗣子北降襄陽沔北爲戰伐之地自羊公鎮此吳不復入東晉大將軍庾翼將謀北伐遂鎮襄陽

鄧城南四里有五陌村榆樹連理異本合榦高四丈鄉人以爲社其洲並樹在五陌村因此爲名其樹今已枯

武當山廣員三四百里山高巉峻若博山香鑪茗亭峻極十霄出霧學道者常百數相繼不絕若有於此山學者心有隆替輒爲百獸所逐山有石門石室相承云尹喜所棲之地又陰君傳云君字長生入武當山昇仙是也

望楚山在襄陽縣南三里凡三名一名馬鞍山又名災山宋元嘉中武陵王駿爲刺史屢登陟焉因其舊名以望見鄢城改爲望楚山後遂龍飛爲孝武帝所望之處時人號爲鳳嶺高處有三磴是劉宏山簡等

九日宴賞之所

初學記引郭仲產記云望楚山有三磴道上磴道名香鑪峯

襄陽縣有石梁山形如橋梁也白雲起即崇朝而雨

人以爲準

穀城縣東六里下有窟漢時有馬百匹從此窟出舊

名馬頭山因改爲馬窟

穰縣石橋水汗而爲池出靈龜色如金縷

穰縣北七里有湍水六門碣白水濁水棘水是也

丹水合洧口

南陽縣西七里有梅溪源發紫山南經百里奚之故

宅

並寰宇記

百里奚宋井伯寃人也

史記正義

南陽有蕭相國祠蕭何昔受封於此今相傳爲城隍

神

鄧縣蕭何夫人之故邑也何夫人漬粉鮮潔異於諸

水因名粉水

穀城縣南七里有溫水出宏農縣境冬月微溫

並寰宇記

龍居縣南有馬水

初學記

光武臺在新野縣

寰宇記



隆中諸葛亮故宅有舊井一今涸無水

御覽下從說  
郭采錄與盛

本記文有詳  
畧當參看

盛宏之記云井深五丈廣五尺堂前有

三間屋地基址極高云是孔明避暑臺宅西山臨水

孔明嘗登之鼓琴以為梁父吟因名此為梁山

南陽城南九十里有晉尚書令樂廣故宅廣字彥輔

善清言見重當時成都王廣女壻長沙王猜之廣曰

寧以一女而易五男猶疑之終以憂殞其故居今置

戍因以為名

水經  
注

襄陽縣有貞女樓昔王歷之姊適衛玠年十六而寡

父母欲嫁之乃自截鼻以誓墓前柏樹為之連理

襄陽縣有古魚井內一魚無肉惟骨相連耳

並寰  
宇記

白土齋南道又一齋以粟為屋梁武帝臨州寢卧於

此齋中常有五色雲迴轉狀如盤龍屋上恒紫雲騰

起形似繖蓋遠近望者莫不異焉武帝於此龍飛

高齋其泥色鮮淨故此名焉南平世子恪臨州有甘

露降此齋前竹林昭明十子於齋宮集道義以時相

繼

高齋東北有一齋名曰下齋次於高齋制度壯麗極

爽塏刺史辨決獄訟舊出此齋

高齋之後有堂堂西有射堂五間射堂南有大池上有臺名曰樂善臺

簡文爲晉安王鎮襄陽日又引劉孝威庾肩吾徐防江伯標孔敬通惠子悅徐陵王圃孔鑠等於此齋綜覆詩集於時鮑至亦在凡數十人資給豐厚日設有

饌號爲高齋學士

並御覽

楊世安同記室主簿讀羊祜碑訖乃長歎曰大丈夫在在當立名吾雖不敏豈獨無意自爾爲政務存寬

簡荊州人爲祜諱名屋室皆以門爲稱改戶曹爲辭曹

杜預沈碑今天色晴朗漁人嘗見此碑於水中也預在鎮因宴集醉臥齋中外人聞嘔吐之聲竊窺於戶止見一大蛇垂頭而吐聞者異之

辛居士名宣仲家貧春月鬻筍充腹酌截竹爲罌用充盛置人間其故宣仲曰我惟愛竹好酒欲令三物

常相並耳

說

襄陽金城南門外道東有參佐廨舊傳甚凶住者不

死必病梁昭明太子臨州給府察呂休蒨休蒨常在  
廳事北頭眠鬼索休蒨休蒨墜地久之悟俄而休蒨  
有罪賜死後今蕭騰初上至羊口岸忽有一丈夫著  
白紗高室帽烏布袴被袍造騰疑其服異拒之行數  
里復至求寄載騰轉疑焉如此數迴而騰有妓妾數  
人舉止所爲稍異當日歌笑悲啼無復恒節及騰至  
襄陽此人亦經日一來後累旬不去好被袍縛袴跨  
狗而行或變易俄頃詠詩歌謠言笑自若自稱是周  
瑜恒止騰舍騰備爲禳遣之術有時暫去尋復來騰

又領門生二十人拔刀斫之或跳上室梁走入林中  
來往迅速竟不可得乃入妾屏風裏作歌曰逢歡羊  
口岸結受桃林津胡桃擲去內訝汝不識人頃之有  
道士趙曇義爲騰設壇置醮行禁自道士入門諸妾  
並悲叫若將遠別俄而一龜徑尺餘自到壇而死諸  
妾亦羞騰妾聲貌悉不多諮議參軍韋言辨善戲諱  
因宴而啟云嘗聞世間人道黠如鬼今見鬼定是癡  
鬼若黠不應昧蕭騰故以此而度足驗鬼癡

太平廣記



序錄

隋志宋臨川王侍郎盛宏之撰荊州記三卷

唐志無

史通曰九州土宇萬國山川物化殊宜風化異俗如各志其本國且以明此一方若盛宏之荊州記常璩華陽國志辛氏三秦羅含湘中此之謂地理書也

丹鉛總錄曰地理諸家余獨愛華陽國志次則盛宏之荊州記荊州記載鹿門事云龐德公居漢之陰司馬德操宅州之陽望衡對宇歡情自接泛舟

褰裳率爾休暢記沮水幽勝云稠木傍生凌雲交  
合危嶮傾岳恒有落勢風泉傳響於青林之下巖  
猿流聲於白雲之上遊者常苦目不周玩情不給  
賞若此二段讀之使人神遊八極信奇筆也記三  
峽水急云朝發白帝暮宿江陵凡一千二百餘里  
雖飛雲迅鳥不能過也李太白詩朝辭白帝彩雲  
間千里江陵一日還杜子美云朝發白帝暮江陵  
皆用盛宏之語也

日知錄曰凡引前人之言必用原文水經注引盛  
宏之荊州記曰江中有九十九洲楚諺云州不百  
故不出王者桓元有問鼎之志乃增一州以克百  
數僭號數旬宗滅身屠及其傾敗州亦消毀今上  
在西忽有一洲自生沙流迴薄成不淹時其後未  
幾龍飛江漢矣注乃北魏酈道元作而記中所指  
今上則南宋文帝以宜都王卽帝位之事古人不  
以爲嫌

謨按荊州記作者數家惟盛宏之最著諸書稱引  
盛記亦最多如隋唐志所載凡三卷今所哀輯猶

可得一卷凡共鈔出史記正義二條索隱三條前漢書注二條後漢書注二十六條水經注六條文選注十條世說注一條類聚十五條初學記十九條書鈔八條白帖五條御覽七十九條廣記四條元和郡縣志二條大平寰宇記二十七條路史二條廣韻一條通鑑注一條通志畧一條事類賦注一條

盛宏之荊州記

潛江 黃永綸理齋參

金谿 王謨仁甫輯

元嘉十四年荊州所隸三十郡自晉室東遷王居建業則以荆揚為京師根本之所寄荆楚為重鎮上流之所總擬周之分陝故有西陝之號焉自後植中疑為大將軍屯上明使劉波守江陵是也寰宇記魯陽縣其地重險楚地之北塞也文選襄陽舊楚之北津從襄陽渡江經南陽出方關是周

鄭晉衛之道其東津經江夏出平澤關是通陳蔡齊

魯之道後漢書郡國志注○初學記引此云襄陽本楚之下邑桓谿帶其西峴山亘其南

改爲景陵縣

舞陽縣北拒天門淩中縣南極邵陽武岡縣西接寧

州牂牁在舞水之陰並寰宇記

零陽東接作唐文選注

荊州城臨漢江臨江王所治王被徵出城北門而車

軸折父老泣曰吾王去不還矣從此不開北門世說注

南陽郡城周三十六里郡國志注

宛城南有一城甚小三公置

葉東界有故城始犍縣東至瀨水達泚陽界南北聯

聯數百里號爲方城一謂之長城並水經注

棘陽東北百里有謝城郡國志注○路史國名紀引此下云是有謝水

昔漢高祖入秦王陵起兵丹水以應之此城王陵所

築因名也史記正義

武關西北百二十里有商城卽義鈞國路史國名紀○寰宇記引

作卽商邑城也



灌陽湖西三十里有馬頭戍吳大司馬陸抗所屯以對江津口與晉大傅羊祜相拒大宏信義抗有疾祜饋之藥抗卽推心服之于時談者以爲華元子反復

見于今寰宇記案馬頭戍卽奉城也

津鄉縣東三里餘有三湖湖東有水名長谷西北有

小城名曰冶父寰宇記引此云荒谷西北有苑號曰王園北有小城名曰冶父左傳

曰莫敖縊於荒谷羣帥囚於冶父縣北十餘里有紀

南城楚王所都東南有郢城子囊所城寰宇記引此云昭王十年

吳通鄣水灌紀南城入赤湖進灌郢城遂破楚又曰昔荊州掘地得石函有鐵契云楚都郢邑代無絕

史記蘇秦說楚威王楚東有夏州左傳楚莊王伐陳

鄉取一人以歸謂之夏州今夏口城有州名夏口郡國志

注

南蠻府東有三湖源同一水蓋徙治西府也宋元嘉

中通路自湖下注楊水以廣運漕水經注

白帝城在巴東郡峽上北岸有一山孤峙甚峭巴東

郡據以爲城寰宇記

秭歸縣西有楊城周迴十餘里卽熊繹路史國名紀引作繹孫

所居御覽

當陽縣東南有麥城城東有驢城沮水之西有磨城  
犄角麥城昔伍子有造此二城以攻麥城假驢磨之  
名俗諺曰東驢西磨麥自破寰宇記

樊城西北有鄆城即春秋所稱鄆子之國也光武云  
宛最强鄆次之即謂此鄆城西北行十餘里鄆侯吾  
離國為楚文王所滅今為鄧縣鄧城西北餘里有穀  
城穀伯綏之國城門有石人焉刊其腹云摩塊韃摩  
塊韃慎莫言疑此亦周太史廟金人緘口銘背之流  
也御覽

沱陽縣至沔口水北有却月城西一里有馬騎城周

迴五里高一丈初學記口寰宇記引此云安陸縣沔

口北岸臨江水有却月城魏將黃祖  
所守吳遣董襲攻  
而擒之其城遂廢

先王敗於襄陽奔荊州吳大帝擢先王為左將軍荆  
州牧鎮油口即居此城時號先王為公故名其城曰

公安寰宇記

馬牧城東三里有蚌城古老相傳云饑年民結侶採  
蚌止憩其中故因為名城隨洲勢上大下尖其形似

蚌故有蚌號類聚

胸臆縣有巴子城城多巴豆

御覽

無陽烏澣萬家

寰宇記引作舞陽有詹辰新豐二縣烏澣萬餘家

皆噉虵鼠

之內能鼻飲

舞溪獠澣之類其縣人但羈縻而已溪山阻絕非人

跡所履

並元和郡國志

宋元嘉初武谿蠻人射鹿逐入石穴纔容人入穴見

其傍有梯因上梯豁然開朗桑果蔚然行人翱翔亦

不以怪此蠻於路所樹為記其後茫茫無復髣髴

初學

記

沅陵縣居酉口有上就武陽二鄉唯此是槃瓠子孫

狗種也二鄉在武溪之北

昔廩君浮夷水射鹽神於陽石之上

並南蠻傳注

建平信陵縣有稅氏昔蜀王欒君王巴蜀王見廩君

兵彊結好飲宴以稅氏五千人遺巴蜀廩君

鄭樵通志畧

堯山赭巖迭起冠以青林

寰宇記

永陽縣北有石龍山

御覽引此云山上多石斛精好如金環也寰宇記引此云永陽

縣北五十里石龍山出石斛如金釵

隨縣東北有三鐘山

並王常傳注

筑陽縣北四里有開林山西北有龕山郡國志注

筑陽縣有墨山山石悉如墨初學記

武當縣有女思山南二百有武當郡國志注

武當山有一谿岸土色鮮黃乃可噉御覽

順陽益陽二縣東北有熊耳山東西各一峰如熊耳

狀御覽引此云山東西各一峰因以為名齊桓公大

史公竝登之史記索隱

熊耳上多漆下多櫻浮豪之水出焉西流注於洛又

案山書謂此山上有青丹之樹得而服之成仙御覽

析縣有龍淵深不測縣北有馬頭山郡國志注

平樂縣西南數十里有山其巖間有兩目如人眼極

大瞳子白黑分明因目為目巖山寰宇記

宅上山頂有玉女遂營墳整固上有喬木叢生名為

女貞林常有白猿棲遊哀鳴清絕

江陵縣東一百里有綠林山茂林蒼鬱襄陽大路經

由其西所謂襄陽之綠林也並御覽

建平郡南陵縣有石鼓南有五龍山山峰嶕嶢凌雲

齊竦狀若龍形故因為名類聚

三峽之首北岸有白鹽峰下有黃龍灘水最急沿沂  
所忌

沿峽二十里有新崩灘至巫峽因山名也文選注引此云信陵

縣西二十首尾一百六十里舊云自三峽取蜀數千

里恒是一山此蓋好大之言也唯三峽七百里兩岸

連山畧無闕處重巒疊嶂隱天蔽日自非停午夜分

不見日月所謂高山尋雲怒湍流水絕非神境並寰宇記

至於夏水襄陵沿沂阻絕或王命急宜有時朝發白

帝暮至江陵其間一千二百里雖乘奔御風不以疾

也春夏之時則素湍滌潭迴清倒影絕巘多生檉柏

懸泉瀑布飛漱其間清瑩峻茂良多雅趣每至晴初

霜旦林寒澗肅常有高猿長嘯屬引清遠空岫傳響

哀轉久絕一作九絕故漁者歌曰巴東三峽巫峽長猿鳴

三聲淚沾裳御覽

空冷峽絕崖壁立數百丈飛鳥所不能棲有一火燼

插石崖間望見可長數尺相傳云堯洪水時行者泊

舟於崖側爨於此餘燼插之至今猶存故曰插竈寰宇

記

南崖有重嶺壘起最大高崖間有石色如人負力牽牛人黑牛黃成就分明此崖既大加以江湍紆迴雖塗經信宿猶望見之行者歌曰朝發黃牛暮宿黃牛

三日三夜黃牛如故

御覽

華容山岐陽山無所出不足書本屬南平界

事類賦注

上洛有商山班孟堅西都賦所謂商洛緣其畏高士

傳謂地肺卽此

御覽

臨沮西北三十里有青谿谿北卽荆山首曰景山卽

下和抱璞之處

郡國志注

景山在上洛縣西南二百里東與荆山連接有沮水

源出焉其山一名鴈浮山荆山之首曰景山鴈南翔

北歸徧經其上土人由茲改名鴈山又爲鴈塞山

御覽

鴈塞北接梁州汝陽郡其間東西嶺屬天無際雲飛

風翥望崖迴翼唯一處爲下朔鴈達塞矯翮裁度故

名鴈塞同於鴈門也

類聚

青谿稠木傍生凌空交合危樓傾岳

疑作阜

恒有落勢

風泉傳響於青林之下巖猿流聲於白雲之上遊者

常若

疑作苦

且不周玩情不給賞是以林徒棲托雲客

宅心泉側多結道士精廬焉

水經注

竹山縣有白馬塞孟達為新城太守登白馬山而歎

曰劉封申耽據金城千里而不能守豈丈夫也哉為

上堵吟方士今猶傳此聲韻憤激其哀思之音乎遊

者云重山疊嶂事信然也

新城縣北有柴山山上有清冷之淵耕父揚光之所

處並御覽

夷道縣西北有宜陽山東南有羊腸山

郡國志注

登羊腸望見南平沮漳自巴陵左右數百里皆見此

山寰宇記

宜都夷道縣西南九十里有望州山四面壁立登此

見一州內東有涌泉欲雨輒有赤氣故名丹水類聚

郡西沂江六十里南岸有山名曰荆門北岸有山名

曰虎牙

郡國志注引此云荆門江南虎牙江北

二山相對楚之西塞也

虎牙石壁紅色間有白文如牙齒狀荆門上合下開

閭達山南有門形故因以為名

蒲圻縣沿江一百里南岸名赤壁周瑜黃蓋此乘大

艦上破魏武兵於烏林烏林赤壁其東西一百六十

里並文選注御覽引此云臨嶧山南峰謂之烏林峰亦謂之赤壁

蒲圻縣下流有魚嶽小山孤峙於中洲近在江南

武延城北有白石山悉白自遠望之狀如層冰積雪

耀奕天日

石驢泉山涵潤牛馬經過貪其甘不能去土人云牛

馬解逸卽此山尋之並寰宇記

參山周迴數百里聳狀若香爐至於雲霧天明景徹

在襄陽北望見此山初學記

立章山高三十丈周迴百餘里竟陵縣東有申水郡國

志注

修竹亭西一峯迥然西映落月遠而望之全如畫扇

也

安陸縣南十五里有石巖山北臨鄖水張昌作亂織

竹爲戎衣以五彩著此山上置肉其下而集百鳥以

惑於衆卽此山並寰宇記

零陵郡西有渡谿山獸從數十里往飲之經越他水

皆不飲旁有半石坑上石形極方峭名爲仙人樓

九疑山盤踞數郡之界連峯接岫競秀爭高含霞卷



霧分天隔日

始安郡駭鹿山山上有石室鑿室內輟得龍骨并獲

蚶下有茯苓

並御覽

始安郡山坎中有彈丸因名彈丸山

書抄

桂陽郡西南五十里有萬歲山有石室出鍾乳山上

悉生靈壽木

事類賦注引此云萬歲山出靈壽草仙方云服之不死又有話石山石有聲如

人共下有一谿名爲千秋水其傍有居民卽號萬歲

村

黃箱山一名黃岑山在東南三十里其郴水所出卽

是五嶺之一從東第二騎田嶺是也又有浪井井三

日一漏

並御覽

武陵舞陽縣有石帆山若數百帆

武陵舞陽縣有淳于白雉二山在寧州武陵二界畔

絕壑之半有一石雉遠望首尾可長二丈伸足翔翼

若虛翮飛頭綴著石

並類聚

嵩梁山在澧水之陽望之如香鑪之狀吳永安六年

自然洞開玄朗如門高三百丈門角上各生一竹倒

垂下拂謂之天筵孫休以爲嘉祥置縣因山爲名

崇山書云放驪兜于崇山在澧陽縣南七十五里  
小酉山上石穴中有書千卷相傳秦人於此而學因  
留之故梁湘東王云訪酉陽之逸典是也  
芋山有蹲鴟如兩斛大食之終身能不飢今人取食  
之  
長沙西岸有麓山其下有精舍左右林嶺環迴泉澗  
精舍傍有礬石每至嚴冬其上不停霜雪  
湘東有雨母山山上有祠壇每祈禱無不降澤以是  
名之

湘東陰山縣北數十里有武陽龍靡二山上悉生松  
柏美木龍靡山有石石上有仙人蹟及龍跡傳云昔  
有仙人遊此二山常稅駕此石又於其所得仙人遺

詠

並御覽

衡山周旋數百里高四千一十丈東南臨湘川自湘  
川至長沙七百里九向九背乃不復見禹治水登而  
祭之因夢遇玄夷使者遂獲金簡玉字之書得治水  
之要山有三峯極秀其一名紫蓋澄天明景輒有一  
雙白鶴迴翔其上清響亮徹一峯名石囷下有石室

中常聞諷誦聲

御覽引此云下有石室尋山徑聞室中有諷誦聲

一峯名芙蓉

蓉上有泉水飛流如舒一幅練

類聚引此云一峯名芙蓉最為瑛築自非

清霽素朗不可望見峯上有泉飛派如一幅絹分映青林直注山下

初有採藥衡山見老翁與四五年少對坐

執書並初學記

義寧有赤石脂山

御覽

內鄉縣有黑山一謂玄仙山仙聖宅南有丹崖映川

流之濱實為殊觀

寰宇記。又引荆門記曰內鄉縣西有泉泉見白壁赤桂相傳曰龍泉

泉

寒山九坂最為峭嶮

初學記

臨賀馮乘縣有歌父山傳云有老父少不娶妻而善

於謳歌聞者莫不灑淚年八十餘而聲逾妙及病將

死因命鄉里六七十人與上穴中隣人辭歸老父歌

而送之聲振林薄響遏行雲餘音傳林數日不絕

御覽

○初學記引此云臨賀馮乘縣有老姥善歌餘音傳谷數日

始興有康客岡有屋室伏穴自西山潛通江下通東

岸漢末遊士康客卜居於此因名為岡

白帖

東陵郡東南有黃溪西有礬石岡

御覽

灑陽縣東南有鳳岡四十里古老相傳云昔鳳產乳

其山書鈔

始興機山東有兩巖相向如鷓尾石室數十所經過

者皆聞有金石絲竹之聲

隨縣北界有厲鄉村寰宇記引此云厲山村南有重

山山下有一穴父老云是神農所生處寰宇記引此云穴方一步

容數人立今穴口村西有兩重壑內周迴一頃二十

畝地中有九井郡國志注引此云周迴一頃二十畝地外有兩重壑中有九井寰宇記引

此云壑內有地相傳神農既育九井自穿汲一井則

俗謂之神農宅寰宇記引此云汲一井則八井震動民多不敢觸在縣北一百里即以此

為神農社年常祠之庖羲生乎陳神農育乎楚考籍

應圖於是乎在並類聚

宜都佷山縣有山山有風穴口大數尺名曰風井夏

則風出冬則風入一本下有暑月甚寒春秋分甚靜二句風出之時吹

拂左右常淨如掃暑月經之凜然有衣裘想樵人有

冬過者置笠穴口風汲之經月還涉長陽溪而得其

笠則知溪穴潛通御覽口白帖引此云沮陽縣黃竹山其西北一處常肅肅有風名曰

風門

佷山側有石穴出清泉中有潛龍每旱穢其穴輒漏

水蕩之因得溉田

恨山縣北陸行三十里有石穴云昔有馬從穴出因復還入潛行乃出漢中漢中人失馬亦嘗出此穴因名馬穿穴

自遊溪南行五十里有一泉傳云南平江安縣有牧羊者見羊入此岸穴當時失之後乃聞出泉口潛行可四百餘里因名爲羊門並白帖

始安有巖巖林峻茂下有穴達南北其間可二百許步口高二丈五尺廣十九丈其西北有三谿殊源別

澗合注其下書鈔

筑陽粉水口其一石下不測出地尺許圍可三尺色

極青其上如斫明可鑿人相傳以爲殞星懸雨有孤

石挺出其下潭澄時有見石根者如竹根而黃色御覽

難留山北有石室可容數百人常如此室僻嶮不可

攻因名爲難留城西北有石穴把火行百餘步有二

大石相去可丈餘名爲陰陽石陰石常濕陽石常燥

旱則鞭陰石應時而雨雨則鞭陽石俄時而晴但鞭

者不壽復不得稱名人頗憚之白帖引此云恨山縣

有石穴以燭穴行百許步有二大石其間相去一  
許俗名其一為陽石一為陰石水旱為灾鞭陽石則  
兩鞭陰石則晴

義陽郡南一百三十里有石自然若龜形並寰宇記

魚復縣鹽井以西石積平曠盼望四遠諸葛孔明積

細石為壘方可數百步壘西郭又聚石為八行行八

聚聚間相去二丈許謂之八陣圖曰八陣既成自今

行師度不復敗寰宇記引此下有八陣及壘皆圖兵勢藏之權變十二字自後深

識見者並莫能了桓宣武伐蜀經之以為此常山蛇

勢御覽○寰宇記引此下有此蓋意言之句

興安縣水邊有半石其上有石榴石履各一具俗云

昔越王渡溪音鈔引作渡漢脫履墮櫛於此初學記

臯亭中有青石方三丈許石上有磨刀斧迹春夏明

淨有新磨處秋冬漸生苔穢傳云是雷公磨霹靂寰宇記

記

臨賀有石方十二丈有磨刀斧跡春夏常明淨其跡

甚新秋冬則苔穢故為雷公磨石御覽

臨賀界有臥石似人而色青黃隱起此鄉若旱祭之

即雨書鈔

酈縣北八里有菊水

類聚引此云酈縣北五十里有菊谿源出石開山東南流會專

水兩岸

其源旁悉芳菊水極甘馨

御覽引此云其源旁有芳菊浸潤流

其滋液水

又中有三十家不復穿井即飲此水上壽

百二十中壽百餘七十者猶以為天

寰宇記引此下云菊能輕身益

氣令人久壽於此信有徵矣

漢司空王暢太傅袁隗為南陽令縣

月送三十餘石餘食澡浴悉用之太尉胡廣久患風

羸休沐南陽恒汲飲此水疾遂瘳

類聚引此下云年近百歲非惟天壽

亦菊延之也

此菊莖短葩大食之甘美異於餘菊廣又收

其實種之京師遂處處傳植之

郡國志注○胡廣傳注引此云菊水出穰

縣芳菊被澀水極甘香谷中皆飲此水至壽百二十

七八十者猶以為天太尉胡廣所患風疾休沐南歸

瘳年八十二薨南陽郡城北有紫山紫山東有一水無所會通冬夏

常溫因名湯谷

文選注

桐柏淮源涌發其中潛流三十里東出大復山南山

南有淮源廟

郡國志注

筑陽縣西有粉水源出房陵縣取其水為粉鮮潔異

於餘水故因名粉水巴郡臨江縣亦有此水取以為

粉郡常獻之

初學記

始興縣陽山有斟溪水出巖穴一日十溢十竭信若

潮流白帖

中盧縣南十五里有陵水東流注沔水中有物如馬

甲如鮮鯉不可入七八月中好在磧上自曝膝頭如

虎掌爪小兒不知砍取弄戲便殺人或曰生得者摘

其鼻厭可小小使名爲木盧郡國志注

羅縣北帶汨水水源出豫章艾縣界西流注湘汨汨

西北去縣三十里名爲屈潭屈原自沈處前漢書地理志注

屈傳索隱引此云長沙羅縣北帶汨水去縣四十里是屈原自沈處北岸有廟也

湘水北流二千里入於洞庭文選注

三谿水南流數里南注大江初學記

昭陽縣東有余水傍有漁父廟郡國志注

臨沅縣南臨沅水水源出牂牁且蘭縣至武陵郡界

分爲五谿故曰五谿蠻同上。初學記引此云舞谿東流注沅西接牂牁

茹谿源出茹龍山水極清澈初學記

巫縣東北三百步有孔子泉其水甘馨雖蕨漿無以

過也御覽

夷道縣勾將山下有三泉傳云本無此泉居者皆苦



遠汲人人多賣水與之有一女子孤貧繼縷無以買  
易忽有一乞人衣麤瘡痍竟體村人見之無不  
穢惡唯女子獨加哀矜割飯飼之乞人食畢曰我感  
姬行善欲思相報爲何所須女答曰何恩可報且今  
所須之物非君能得因問所須女子曰正願此山下  
有水可汲乞人乃取腰中書刀刺山下三處卽飛泉  
涌出因便辭去忽然不見

新陽縣惠澤中有溫泉冬月未至數里遙望白氣浮  
蒸如烟上下采映狀若綺疏又有車輪雙轅形世傳

昔有玉女乘車自投此泉今人時見女子姿儀光麗

往來倏忽

血類聚

桂陽城南六里柳縣西北有溫泉其下流有數十畝

田常十二月下種明年三月新穀便登一年三收

郡國

志注。御覽引此云桂陽郡西北接耒陽縣有溫泉其下流百里有田恒資以灌溉常十二月一日種穀至明年三月新穀便登一年三熟溫液所

周正可數畝過此水氣輒冷不復生苗

衆山水出注於大溪號曰橫流溪溪水甚小冬夏不

乾俗亦謂之爲貪泉飲者輒冒於財賄同於廣州石  
門貪泉矣廉士爲二千石則不飲之昔吳隱之挹而

不辭貪豈謂能汗其真乎蓋亦惡其名也

魚復縣有神淵北有白鹽崖天旱火然崖上推其灰

燼下降淵中尋則降雨西有龍淵清深不測傳云漢

祖伐秦途經於此見淵中白壁赤柱狀若官府因名

龍淵御覽。寰宇記引此云內鄉縣西有泉泉中有白壁赤柱相傳曰龍泉

始安郡有東北二江北江發源於桂陽之臨武黃岑

山東江發源於南康大庾嶠下逕始興縣界南流西

轉與北江合於郡東注於南海

江出岷山其源若甕口可以濫觴在益州建寧瀟江

縣潛行地底數里出楚都遂廣十里名為南江

宮亭湖廟神甚有靈驗塗旅經宿無不祈禱能使湖

中分風而帆南北

宮亭湖即彭蠡澤也亦謂之彭澤湖一名匯澤青草

湖一名洞庭湖雲夢澤一名巴丘湖凡此並昭昭尤

著又廣大也

洞庭亦謂之大湖在巴陵郡並初學記

巴陵南有青草湖周迴數百里日月出沒其中湖南

有青草山故因以為名類聚。史正義引此云青草湖南有青草山湖因山名

雲杜縣左右有大漚馬骨等湖夏水來則渺漭若海  
及冬涸則平林曠澤四眺烟日

沔陽縣東二十里有鼉湖並初學記

新野郡西七里有梅溪源出紫山南流注涓故老傳

溪西有百里奚宅類聚

桓公遊於靈溪劉盛公著練帽布裙以杖荷屐與桓

司空語語畢負荷而去書鈔

湘東陰山縣西有鬲口溪昔有大鬲容百斛出於此

水故因為名

桂陽耒陽縣有兩灘此縣時旱百姓同壅之甘雨普

若一方獨壅雨亦偏隨方所其信若符刻東有博

望灘張騫使外國經此船沒因以名灘灘下接魚復

縣界有羊腸虎臂灘楊亮為益州至此復没人至今

猶名為使君灘並御覽

津鄉縣舊治沮中後移出百里洲西去郡一百六十

里縣左右有數十洲槃布江中其百里洲最為大也

中桑田甘果映江依洲自縣西至上明東及江津其

中有九十九洲楚諺曰洲下石御覽作洲不百故不出王者

桓玄有問鼎之志乃漕御覽一洲以充百數僭號數

旬宗滅身屠及其傾敗洲亦消毀今上御覽作在西

忽有一洲自生沙流迴薄成不淹時其後未幾龍飛

江漢矣水經注

枚迴村舊云是梅槐合生成樹故謂之梅槐中名景

里下名鷺尾

鷺尾之南有龍籠二洲御覽引作南江上二洲之間

舊云多異魚而漁者投罟揮網輒便掛絕乃有水客

沈而視之見水中有石牛二頭常為網礙故漁者懲

之嘗鼓楫而去寰宇記

江津東十餘里有中夏洲洲之首江之汜也故屈原

云經夏首而西浮又二十餘里有涌口所謂閻敖遊

涌而逸二水之間謂之夏洲首尾七百里華容監利

二縣在其中御覽

江夏郡城西臨江有黃鶴磯又有鸚鵡洲侯景令宋

子仙夜襲江夏藏船於鸚鵡洲並御覽

益陽縣南十里有平岡岡有金井數百淺者四五尺

深者不測俗傳云有金人以杖撞地輒成井郡國志注初

學記引此云有金人以杵量地輒便成井意者疑是昔人採金謂之金井

始安熙平縣東南有山山西其形長狹水從下注塘一日再減盈縮因名為潮汐塘

長沙郡東十餘里有郡人劉壽墓有石闕四所壽漢

順帝時為司徒其東有龜塘周迴四十五里有靈龜

出其中故塘因名焉

並御覽

常陽東有櫟林長坂昔時武寧在樂鄉八十里中拱

樹修竹隱天蔽日長林蓋取名於此

寰宇記

襄陽郡峴山南至宜城百餘里其間雕牆峻宇閭閻

填列漢靈帝

寰宇記作宣帝

末其中有卿士及刺史二千石

數十人朱軒駢輝華蓋連延掩映於大山廟下荆州

刺史行部見之雅歎其盛勅號大山廟為冠蓋里

一作

勅縣刻石銘之○御覽

湖陽春秋蓼國樊重之邑也重母畏雷為立石室以

避之悉以文石為階砌至今猶存

類聚

新野郡南有越相范蠡祠宛三戶人傳云祠處即是

宅

義陽有光武宅

襄陽西北十里名爲隆中有諸葛孔明宅

並御覽

諸葛亮宅有井深四丈餘口廣一尺五寸累甃如初

初學記

宅西有三間屋基址極高云是孔明避暑臺先有人

姓董居之滅門後未復敢有住者齊建武中有人修

井得一石枕高一尺二寸長九寸獻晉安王習鑿齒

以爲宅名今宅院見在

御覽○說郛引此云隆中有井高五丈廣五尺堂前有三

間屋地基址極高云是孔明避暑臺宅西山臨水孔明常登之鼓琴以爲梁父吟因名此爲樂山先有人

家居此宅衰歿滅亡後人不敢復憇焉

襄陽西南有徐元直宅其西北八里方山山北際河

水山下有王仲宣宅故東阿王誅云振冠南嶽濯纓

清川

文選注

襄陽范蠡祠南有晉河南尹樂廣宅

書鈔引此云襄陽縣南七十里

有晉河南尹樂彥輔宅未旬作名爲宅成

周迴十餘畝曩舊井猶未頽檀

道濟置邏其中卽名爲樂宅

御覽

荊州城西北餘步有棲霞樓宋臨川康王置

初學記

西鄂城東有三女稚沒三女造此樓於墓所

御覽

富陽縣城樓王仲宣登之而作賦

文選注

巴東城西有一折柱孤直高三丈大可十圍傳云是公孫述樓柱斫之血出枯而不朽歷代彌固將恐有物憑焉

江陵縣東有天井臺飛孤軒映背邑面河實效躔遊

憇之佳處也

並御覽

東井臺在天井臺之東井周迴二里許深不可測中

有潛室人時見之則有兵寇祈之多驗

寰宇記

秭歸縣北一百里有屈平故宅方七頃累石為屋基

今其地名屈平宅東北六十里有女嬃廟

郡國志注

魚復縣瞿塘灘上有神廟先極靈驗

書鈔引此云魚復縣嶠山上有

神廟其神靈驗刺史二千石經過者皆不得鳴鼓角商旅恐

觸石有石聲乃以布裹篙頭

臨賀馮乘縣東五里有故縣廟相傳漢淮南王安被

誅其子奔逃來至一夜忽化為石人當縣門而立百

姓怪而觀之其巡察者手足無浥爛

並御覽○通鑑注引此云淮南

王子廟在江華縣南七十二里淮南王安被

誅其子奔至此城門化為石今各東塘神

荆州華容縣西有陶朱公冢

水經注引此云陶朱冢在華容縣之西南郭仲

產言在縣東十里文選樹碑云是越范蠡范蠡本宛

注又引作江陵縣西

三尸人與文種俱入越吳亡後自適齊而終陶朱公

登仙未聞葬此所由越世家正義

筑陽粉水口有一墓石虎石柱號文將軍冢晉安帝

隆安中閻正水經注引閻正羨之為南陽將墓婦於墓側是夕

從者數十人皆夢云何故疑人以自安覺說之人皆

夢同雖心惡之恥為夢迴及墓但鳴鼓角為聲勢聞

墓上亦有鼓角及鎧甲聲轉近及至墓死於墓門者

三人即殮之後閻正為楊佺期所族誅人皆以為文

將軍之祟太平廣記

零陵縣上古有夸父冢御覽

長沙溇圻縣有呂蒙冢中有一髑髏極大蒙形既長

偉疑即蒙髑髏也類聚

霄城東南有單龍村村外有單龍塚甚高大舊傳單

龍能仰觀俯察少公之儔也數稱劉氏當王聖公應

其符聖公潛詣之因此起兵復稱號於宛而龍卒故

厚其墓

鄭鄉即鄭滅地方也岡南有劉長沙墓益州牧焉之

父其南又有漢魏郡太守黃香塚並御覽



西鄂縣北有張平子碑是崔瑗之辭夏侯孝若為郡  
薄其文復刊碑陰為銘水經注

鄭縣北三十里有一墓甚崇偉前有石樓高一丈五  
尺上作石鳳將九子相傳云是姚家墓不詳其人類聚

魏太和時有縣人張詹七世舉孝廉書鈔

冠軍縣東一里有張詹墓類聚引作有魏征墓南軍司馬張詹墓魏太和

時人也刻其碑背曰白椒之棺易朽之裳銅錢不入

瓦器不藏嗟矣後人幸勿我傷自胡石之亂墳墓莫

不夷毀此墓元嘉初猶儼然六年大水民飢始被發

初開金銀銅錫之器水經注下有朱漆雕刻之餘句爛然畢備有二

朱漆棺棺前垂竹箔簾金釘釘之御覽

固城臨洱水水經注作沔水水之北岸有五女墩水經注作激西

漢時有人葬洱北墓將為所壞其人有五女共創此

墩以防墓

一女嫁陰縣恨子家貲萬金自少及長不從父言臨

死意欲葬山上恐子不從乃言必葬我渚下磧上恨

子曰我由來不聽父教今當從此一語遂盡散家財

作石塚積土繞之遂成一洲長數百步元康中始為

水所壞今餘石如半榻許數百枚聚在水中並廣記

衡山南有南正重黎墓楚靈王時山廟毀其墳得營

正九頭圖焉張衡傳注

衡山有石室甚整飭相傳名皇后室未詳其來

當陽紫蓋山有金牛每雲晦日輒見金牛出食光照

一山即金之精爾並寰宇記

隨侯曾得大蛇不殺而遣之蛇後銜明月珠以報隨

侯一名隨侯珠御覽

荆蘊玉以潤其區漢含珠而清其域書鈔

衡陽重安縣有巖塘故老相傳云此塘中有銅神今

猶時有銅聲水傳變綠魚為之死

義熙十二年有童子羣浴南陽涓水忽洋邊有錢出

如流沙因競取之手滿放地尋復行去乃以衫衣裹

縛各有所得並御覽

秭歸縣室多幽閨其女盡織布至數十升一本下有謂之升越

四今永州俗猶呼貢布為女子布也王符傳注

棗陽縣一百許步蔡倫宅其中具存其旁有池即名

蔡子池倫漢順帝時人始以魚網造紙縣人今猶多

能作紙蓋倫之遺業也初學記

桃枝席御覽

胸臆縣北岸有陽溪溪內有鹽井百二十所巴峽一

州悉資此鹽周於煮又海鹽水自凝生繖子鹽大者

方寸中夾隆起形如張繖書鈔

鄱縣有鄱湖周迴三里取湖水為酒酒極甘美郡國志注

桂陽郡東界峽公山下有淥溪源官常取此水為酒

書鈔

淥水出豫章康樂縣其間烏程鄉有酒官取水為酒

酒極甘美與湘東鄱湖酒年當獻之世稱鄱淥酒文選注

注

南鄉峽西八十里有巴鄉村書鈔引作永安宮西有巴鄉村蓋善釀

酒故俗稱巴鄉酒書鈔作清村旁有溪溪中多靈壽木寰宇記

記

長沙城西北隅有賈誼祠及誼坐石牀在也屈傳索隱書

鈔引此云湘州南寺有賈誼所穿井井旁有局脚石床可容一人坐其形制甚古皆傳云即誼所坐床也

醴陵縣東四十里有大山山有三石室室中有石床

石曰父老相傳昔有道士學仙此室即合金沙之曰

郡國志注○御覽引此云室中有石床床頭有

日容五升父老相傳昔有仙人以此合金丹

河東郡有石鼓一所高五尺邊作銘云上郡太守石

姓何有時自鳴則又兵

書鈔

始興含洄縣有滃水下流有聖鼓橫在床則上下舩

人刺篙有撞之者皆得瘡病

御覽

巫縣有鳥如雌鷄其鳴為鴉楚人謂之服

屈賈傳索隱

晉大元中營道令何諧之於縣內得一鳥大如白鷺

膝上及髀有銅環貫之環大小刻鏤如橄欖妙絕人

工於時京師皆觀之

始安郡有鳥其形似鵲白尾名為青鳥常以三月自

蒼梧而度羣飛不可勝數山人見其來多苦疫氣

魚復縣南山有鳥時吐物長數寸丹朱彪炳形氣類

綬因名吐綬鳥

武陵郡西有陽山

本草綱目引作雲陽山點蒼山

山有兩頭獸如鹿

前後有頭常以一頭食一頭行山人時有見之者

襄陽城北沔水

書鈔引此下有隈潭二字

有蛟為害大守鄧遐勇

果兼人時人方之樊噲拔劍入水蛟繞其足遐自揮

劍截蛟數段流血丹水自此無害

廣記引此云鄧遐襄陽人也勇力絕

人歷位冠軍將軍  
數郡大守號名將

荆州有美鮒踰於洞庭温湖

長沙湖鄉連水邊有石魚形若鯉相重沓如雲母炙

之作魚腥

零陵郡有香茅桓公所以責楚

都梁縣有小山山水清淺其中生蘭草俗謂蘭為都

梁卽以號縣並御覽

長陽溪側有異花韶艷奇絕欲摘先乞不得輒取隨

手零落寰宇記

宜都郡門生藥草有附子本草

建平出大黃礬石志

天門郡出石鍾乳並御覽

耒陽龍石縣多石斛精好如金釵廣記

魚復縣岩崖内生麥門冬本草

魚復縣岸崩將出礬石並御覽

枝江有名甘

宜都郡舊江北有甘園名宜都甘並初學記

宜都出大枇杷御覽

宜都出大棗廣韻

房陵縣有朱仲者家有縹李代所希有

文選注。類聚引此云房

陵有好李初學記引此云房陵南居有名李

陸凱與范曄相善自江南寄梅花一枝來詣長安與

曄並贈詩曰折梅逢驛使寄與隴頭人江南無所有

聊贈一枝春御覽

緣城堤邊悉植細柳綠條散風清陰交陌

類聚

武陵郡社中木麋樹是光武種至今存也

郡國志注

始興郡山陽縣有豫章木本徑可二丈名爲聖木秦

時伐此木爲鼓額鼓額成忽自奔逸北至山陽

初學記

巴陵縣僧寺牀下忽生一木不旬日勢凌軒棟道人

移居避之木卽長遲但極晞香有西域僧見之曰娑

羅樹也彼僧所憇之蔭常著華

齊民要術引此下有細如白雪句

至

元嘉十一年忽生一花狀如芙蓉

魚復縣有固樹陵地多木瓜樹其子大者如丸

並御覽

臨賀

御覽作臨賀謝休縣

東山中有二竹大數十圍高亦數十

丈有小竹生其旁皆四五圍下有盤石徑四五丈極

方正青滑如彈碁局兩竹屈垂拂掃石上絕無塵穢

未至數十里聞風吹此竹如簫管之音類

支在木竹其秀甚固近聞不木盤每發四正其

國質質其秀甚固近聞不木盤每發四正其

魚身總百兩其刻此發木瓜極其千夫香賦共

天漢十一手志卷三其淑淑賦其香也人

蘇聯賦白雪詩

蘇聯賦白雪詩

蘇聯賦白雪詩

蘇聯賦白雪詩

蘇聯賦白雪詩

蘇聯賦白雪詩

蘇聯賦白雪詩

蘇聯賦白雪詩

蘇聯賦白雪詩

蘇聯賦白雪詩

蘇聯賦白雪詩

蘇聯賦白雪詩

蘇聯賦白雪詩

蘇聯賦白雪詩

蘇聯賦白雪詩

序錄

唐志郭仲產荆州記二卷

隋志無

渚宮故事曰宋郭仲產爲南郡王從事宅有枇杷樹元嘉末起齋屋以竹爲桷竹遂漸生枝葉條長數尺扶疎鬱翠蔚然如林仲產以爲吉祥俄而同義宣之謀被誅焉

按史通言十六國史內有宋尙書庫部郎郭仲產追撰趙石事若此荆州記正從事南郡王時所作而其先固嘗爲尙書庫部郎其人亦好述作故又



著者有湘州記秦州記而南雍州記亦或以爲仲產作也今悉分別攷正仍據唐志以郭仲產荆州記別爲序錄凡鈔出水經注十二條寰宇記一條外附錄范汪記五條庾仲雍記七條劉澄之記六條任豫記一條

郭仲產荆州記

祁陽鄧奇逢

參

金谿王

謨仁甫

修陽縣故城相承言漢高祖所築

酈縣故城南在攻離山東酈舊縣也

郡東北百一二十里漢武帝置校尉張騫隨大將軍衛青西征爲軍前導相望水草得以不乏元光六年封騫爲侯國地理志曰南陽有望縣宛城南三十里有一城甚卑小相承名三公城漢時

鄧禹等歸鄉餞離處也

西鄂縣南水北有張平子墓墓之東側有碑是崔瑗

之辭夏侯孝若爲郡薄其文復刊碑陰爲銘

陶朱冢在華容縣東十里檢其碑題云故西戎令范

君之墓碑文缺落不詳其人稱蠡是其先也碑是永

嘉二年立

南陽城南九十里有晉尙書令樂廣故宅廣字彥輔

善清言見重當時成都王廣女婿長沙王猜之廣曰

寧以一女而易五男猶疑之終以憂殞其故居今置

戍因以爲名

一作襄陽記

馬仁陂在泚陽縣五十里蓋地百頃其所周漑田萬

頃隨年變種境無儉歲陂水三周其隍故瀆自隍西

南而會於泚無水不得復逕其南也且邑號無陰故

無出南之理出南則爲陽也非直不究又不思矣

苦萊於東之間有小城名方城東臨溪水尋此城致

號之由當因山以表名也苦萊卽黃城也及於東通

爲方城矣世謂之方城山

赤岬山岬山脅也其土悉赤斯名將因此而興矣

按地理志巫山在巫縣西南而今縣東有巫山將郡縣居治無恒故也

尋楚禦巴人枝江是其塗便此津鄉縣即其地也並水

經注

江津長車之嶺百家主度江南諸州貢奉謂之奉城

寰宇

記

丹水縣在川堯子朱之所封也

史記正義下皆范汪記

宛有三女樓伍子胥宅

義陽六縣安昌里有光武宅枕白水陂所謂龍飛白

水也

並類聚

夷陵縣峽口山非日夜半不見日月多猿鳴至清遠

安城郡今屬江州出桃枝席

並御覽

華容山古老相承云胡伯始以本境縣無山置此山

上計偕簿也

事類賦注

楚北有四關魯陽伊關之屬也

下皆庾仲雍記

大城西九里有靈谿水

臨沮縣有青谿山山東有泉泉側有道士精舍郭景

純嘗作臨津長故賦遊仙詩嗟青谿之美

並文選注

巴楚有明月峽廣德峽東采峽今謂之巫峽秭歸峽  
歸鄉峽

秭歸縣有屈原宅伍胥廟一作歸鄉縣有屈原宅女嬃廟搗衣石猶

存並類聚

劉盛公校江人桓司空臨州與上佐遊於靈谿盛公

詣市還著皂帽布裙以杖荷屐詣桓司空御覽

當陽本楚之舊邑左氏傳云楚潘崇伐麇至于錫穴

潁容釋例云麇在當陽寰宇記

白水入潛下皆劉激之記

沅水自湖頭枝分跨三十三渡逕交趾龍編縣東北  
入於海脉水尋梁乃非關究但古人許以傳疑聊書  
所聞耳

一涯溪通四海

三溼在竟陵縣界

陶朱冢在華容縣之西南並水經注

華容縣東南有雲夢澤一名巴邱湖荆州之藪也初學記

記

安陸縣東四十里南有鳳皇岡晉時有鳳產乳其上

又晉穆帝永和四年鳳皇將九子棲集其上山下有黃瓊宅即魏郡太守黃香父香亦墓焉

寰宇記引作任豫記一作

郭答 魏東南 晉書 卷一百一十五 地理志 魏郡 黃瓊墓 在魏郡 黃瓊墓 在魏郡

黃瓊墓 在魏郡 黃瓊墓 在魏郡

黃瓊墓 在魏郡 黃瓊墓 在魏郡

黃瓊墓 在魏郡 黃瓊墓 在魏郡

黃瓊墓 在魏郡 黃瓊墓 在魏郡

荆州圖副

監利李 衢芸湘參

金谿王 謨仁甫輯

建安十三年魏武平荆州始置襄陽郡以地在襄山

之陽為名御覽

豐利熊川陽川三縣即武當之地

初學記引南雍州記云豐利郡領豐

利熊川陽川三縣

晉大康五年立監利縣屬南郡

並寰宇記

澧陽縣蓋即澧水為名也在郡西南接澧水

文選注

巴東南淑浦縣與黔陽分界

寰宇記

新野郡魏三公城左右傳漢時三公餞離處也

御覽

鄭縣

御覽引作葉縣

東百步有縣故城西南四里名伍伯村

有白榆連理樹異根合條高四丈餘土民奉為社

類聚

鄧州內鄉縣東七里於村即於中地也

漢臨江閔王榮始都江陵城坐侵廟墻地為宮被徵

出城北門而車軸折父老共流涕曰吾王不反矣既

而為鄧都所訛懼而縊死自此後北門存而不啟蓋

為榮不以道終也

並史記正義

江夏郡所治夏口城其西南角因磯為高墉枕流上

則徘徊山川下則激浪崎嶇是曰黃鵠磯實乃舟人

之所艱也

類聚

白帝城西臨大江東南高二百丈西北高一千丈

魚復縣西北赤岬城東南連白帝城西臨大江

並初學記

漳口左傳宣公四年楚若敖攻王師于漳澐謂此城

也

麥城故老相傳是楚昭王所築王仲宣嘗登其東陽

故其賦云挾清漳之通浦倚曲沮之長洲關公為呂

蒙所算還至當陽保此城詐降而遁朱然潘璋斬於

臨沮之章鄉

並寰宇記

鄧城有樊城是樊仲山甫所封也

夷陵縣南對岸有陸抗故城

初學記引此下云周卽迴十里三百四十步

山為墉四面天險上有步闡故城

沌陽縣有却月城西一里馬城也

桐柏山禹貢所謂導淮自桐柏者也其山則雲峯秀

峙林猗椅柏潛潤吐霧伏數里

並御覽

鄧城西七里有作樂山諸葛亮嘗登此山為梁父吟

類聚

筓陽縣有薤山山多野薤因以為名

筓陽薤山有孤竹三年而生一筓筓成代謝常一

並御覽

丹雀山高可三十丈北臨丹水赤壁如霞

臨沮縣西北平里有鴈浮山是山海經所謂景山沮

水之所出也高三十餘丈周迴三百里修巖遐亘擢

幹于霄鴈南翔北歸徧經其上土人由茲改山名

鴈浮山鴈塞也

並初學記



宜都夷道縣北有女觀山昔有思婦登山絕望懷思而死葬之山嶺山遂怙悴因以為名

宜都夷陵縣東六十里南岸有荆門山北有虎牙二山相對虎牙有石壁其文黃赤又似虎牙形荆門山上合下空有若門像

宜都夷陵縣西八十里有高筐山古者相傳堯時大

水此山不沒如筐筐

寰宇記作如筭

因以為名

並類聚

崇上山山形特秀異於眾嶽峯首狀博山香爐亭亭遠出藥食延年者萃焉晉咸和中歷陽謝允舍羅邑

宰隱遯斯山故亦曰謝羅山

水經注

很山縣山下有石床傍生野薤人往乞者神許則風

吹偃其界隨偃而剪不得過越

御覽

湘君所遊故曰君山

御覽引此下有有神祈之則利涉山下九字

有道與

吳包山潛通上有美酒數斗得飲者不死漢武帝齊七日遣男女數十人至君山得酒欲飲之東方朔曰

臣識此酒請視之因一飲致盡帝欲殺之朔曰殺朔

若死此為不驗以其有驗殺亦不死乃赦之

事類賦注

臨澧縣南有龍寄山有獸多麋

臨澧縣南三百里有高巒特立素崖千里望之有似香爐吳永安六年自然洞開直朗如門故老相傳名

天門天門兩角上各生一竹垂下初學記引此云天門角上石生倒垂

下一竹拂謂之天帚云並御覽

鍾陽縣有赤馬山其東十里點溪兩岸有密房二百

所羅綴相望因名曰百房書

茗山九嶺嶮峻木多杉松獸多熊豹初學記

穰縣有專水寰宇記

宜都郡望眉山山根有湧泉成溪溪水注天陰欲雨

輒有赤氣故名曰丹溪御覽

此夏水既非山流有若洲瀦冬斷夏通故云夏水寰宇記

漢壽縣城南一百步有澧水出縣西陽山文選注

武當縣西北四十里江有滄浪洲長四里中廣十三

里禹貢稱漢水東流為滄浪之水疑此洲是也

武當縣西北六里江中名猥子潭潭中有石磧洲長

六十丈世傳猥子未曾從父命臨終欲葬山上故謬

曰葬我水中猥子唯從此命

襄陽縣南八里峴山東南一十里江中有蔡洲漢長  
水校尉蔡瑁所居宗族強盛共保蔡洲為王如所沒  
一宗都盡並御覽

百里洲其上寬廣土沃人豐陂潭所產足穰儉歲又

特宜五穀寰宇記○御覽引此云又特宜五果甘柰梨蔗於是出

永陽縣西北二百三十里厲鄉縣東有石穴昔神農

生於厲鄉縣禮所謂烈山氏也後春秋時為厲國穴

高三十丈長二百丈謂之神農穴御覽

縣北九十里有趙屬山傍有石臺高十五丈廣三丈

有穴深一里內甚平整虛寂謂之仙穴大輿十國圖

丹水縣東七里有馬戶山有一穴從廣二丈傍入幽

闇莫測遠近古者相傳昔有馬出其中因以為名並白帖

中盧縣類聚引作襄陽郡中有馬穴山傍有地道云

漢時常有百匹馬出其中形皆小似滇池馬今遂名

其處曰馬穴御覽

潼陽縣三十里有故鄉山下有石穴是出鍾乳常供

採調白帖

巴東昆陽縣東南十里有柏枝山有石泉口方數丈

中有魚類聚○書鈔引此云昆陽界有柏枝山石泉名兩穴請禱必雨

副夷縣御覽作夷陵縣西有溫泉古老相傳此泉原出鹽於

今水有鹽氣縣西一獨山有石穴有二大石並立穴

中相去可一丈俗名爲陰陽石陰石常溼陽石常燥

南蠻傳注○御覽引此云宜都有穴穴有二丈石相去一丈俗云其一爲陽石一爲陰石水旱爲災鞭陽石則雨鞭陰石則晴卽廩君石是也

但鞭者不壽人頗爲之不肯治也

永安宮南一里渚下平磧上周迴四百八十丈中有

諸葛武侯八陣圖聚細石爲之各高五丈廣十圍歷

然棊布縱橫相當中間相去九尺正中開南北巷悉

廣五尺凡六十四聚或爲人所散亂及爲夏水所沒

冬水退復依然如故八陣圖下東西三里有一磧東

西一百步南北廣四十步磧上有鹽泉井五口以木

爲桶昔常取鹽卽時沙壅冬出夏沒寰宇記

灃陽縣西灃水之南岸有白石雙立狀類人形

高各三十丈周迴等四十丈古之相傳昔有充縣左

尉與零陵尉共論疆因相傷害化爲此石卽以爲二

縣界首東標零陵西碣充縣充縣廢省今臨灃縣其

地也御覽

鄧城舊縣西南一里隔沔有諸葛亮宅是劉備三顧

處文選注

南北岸屈原之鄉里原既流放忽然歸鄉人喜悅因

各南岸曰歸鄉岸原有姊聞原還亦來歸責其矯世

鄉人又名其北岸曰姊歸岸

秭歸縣北有屈原故宅方七頃累石為屋今名樂平

里並御覽

江陵縣東有天井臺飛軒光映背邑西河實外廊遊

憇之佳處也

江陵縣東北十里有東井臺東臨天井井周迴二里

許中有潛室人時見之輒有兵寇

襄陽縣南水行四十里陸道六十里有桃林館是餞

行送歸之所萃也並類聚

江陵縣東七十里有楚昭王墓高四丈餘文選注引此云當陽

東南七十里有楚昭王墓登樓賦所謂西接昭王是

也書鈔

宜都夷道縣西山嶺上有古墓名曰女王冢不詳其

人林則女貞戰則白猿自古其不日之正氣不消其  
鄧縣北三十里有一墓甚崇偉前有石樓一丈五尺  
作石鳳將九子相傳云是姚家墓不詳其人類聚引作盛氏

荆州

羊叔子與鄒潤甫嘗登峴山泣曰有宇宙便有此山  
由來賢達登此望如我與卿者多矣皆湮滅無聞念  
此使人悲傷潤甫曰公德冠四海道嗣二哲令聞令  
望當與此山俱傳若潤甫輩乃當如公語耳後參佐  
爲立碑故望處百姓每行望碑莫不悲感杜預名爲

墮淚碑

並御覽

安陸縣魯山城內有晉征南將軍吳奮碑又有南平  
將軍董廣之碑爲討魯刻石以記事

長陽溪側有異花韶艷奇絕欲摘先乞不得輒取卽

隨手零落

並寰宇記



裴淵廣州記

嘉應劉道源恕堂參

金谿王謨仁甫輯

州廳事梁上畫五羊又作五穀囊隨羊懸之云昔高

固為楚相五羊銜穀萃於楚庭故圖其像為瑞六國

時廣州屬楚

帖白

尉佗所都處築高臺以朝漢室圓基千步直峭百丈

螺道登進頂上三畝朔望升拜號為朝臺

類聚

傍江構

越華館以送陸賈因稱朝亭

御覽



漢魏遺書錄  
城北有尉佗墓墓後有大岡謂之馬鞍岡秦時占氣者言南方有天子氣始皇發民鑿破此岡地中出血今鑿處猶存水經注臺以博奕室圓基千丈五洲百丈

城西北五里連續大岡直上百尋名爲越王家吳朝

掘覓尉佗墓竟無所見於天井岡得六玉璽一小車

御覽事采土盡正羊文并正德前羊湖之六首

交趾有駱田仰潮水上下人食其田名爲駱侯諸縣

自名爲駱將銅印青綬卽今之令後蜀王子將兵討

駱侯自稱爲安陽王治封溪縣後南越王尉佗攻破

安陽王令二使典主交趾九真一郡卽甌駱也

石門在番禺縣北二十里昔呂嘉拒漢積石於江名

曰石門又俗云石門水名貪泉飲之則令人變故吳

隱之至石門酌水飲乃爲歌也並史記正義

大庾始安臨賀揭陽桂陽是爲五嶺後漢書吳祐傳注

羅浮二山隱天唯石樓一路是可登矣時有閒遊者

少得至山際大樹合抱極目視之如薺菜在地山之

陽有一小嶺云薺菜邊浮來者此因名羅浮御覽

龍川縣本博羅縣之東鄉也有龍穿地而出卽穴流

泉因以為號

前漢書地理志注○案書鈔引廣州記云穴口周廻可百步今猶潺湲然

馬援到交阯立銅柱為漢之極界也

後漢書馬援傳注

狸獠鑄銅為鼓鼓唯高大為貴面濶丈餘初成懸於

庭剋晨置酒招致同類來者盈門豪富子女以金銀

為大釵執以叩鼓叩竟留遺主人

同上

名為銅鼓釵風

俗好殺多構仇怨欲相攻擊鳴此禁鼓衆到者如雲

有是鼓者極為豪雄

御覽

馬援鑿九真山即石為隄以遏海波自是不復遇海

漲

寰宇記

獻帝建安二十三年吳分鬱林郡立寧浦郡

通鑑注

周敞為交州刺史採龍山之木以為州門鼓上分一

鼓給桂林郡下分一鼓給交州雖根幹異氣而杪末

同歸故擊一鼓二鼓相應

寰宇記

董奉與士爨同處積載思欲還豫章爨情拘留不能

免後乃託以病死爨開棺乃是茅人

御覽

晉興郡蚺蛇嶺去路側五六里忽有一物大百圍長

數十丈行者過視則往而不返積年如此失人甚多

董奉從交州出由此嶠見之大驚云此蛇也在行旅

施符勅經宿徑看虵已死矣左右白骨聚積成丘事類賦

董奉至晉興封一白坭置高崖中而去人欲取不能

得今猶在御覽

晉盧循為刺史循鄉人語循鰕鬚長一赤循以為虛

責其人乃至東海取鰕鬚長四赤速送示循循始服

謝後為遣水經注

盧循襲廣州風火夜發奔逸者數千已而循除諸燒

骨數得髑髏三萬餘於江南洲上作大坑葬之今名

為共冢

類聚

廣州市司用銀易米遂城縣任山有銀穴有銀沙

東莞縣有慮山其側有楊梅山桃只許於山中飽食

不得取下如取下山輒迷路徑

齊民要術引此云慮山有山桃大如檳榔

形色黑如味甘醉人時登採拾只得於上飽噉不得持下迷不得返○案廣州無慮山當從御覽作慮山

甘泉縣平野中孤石挺起峯秀入雲連石相接無異

棟宇

石洲在海中名為黃山山北曰一潮山南曰再潮御覽

覽

增城縣有雲母祠日出照之晃耀類聚

彰平縣朱沙塘水如絳魚鼈皆赤

彰平縣有石膏山望之皎若霜雪蓋嶺東為銀石南

是鐵石西則丹砂北乃銅石並御覽

廣州東百里有邨號古斗邨自此至海溟漠無際

四會有金雞岡新會郡岡州在側因岡為州名也並寰

字記

白管谿周圍丈餘水極沸涌如猛火煎油聲類聚

東官郡煮鹽織竹為釜以牡蠣屑泥之燒用七夕一

易

有石牛每旱殺牛以血和泥光石牛背既旱則雨洗

牛背泥盡方止並御覽

蠻夷不蠶採木棉為絮皮圓當竹剥古綠藤績以為

布類聚

蠻夷取穀皮熟搥之以為褐裏罽布鋪以擬毡寰宇記下

據本草甚煖也其木腐後生菌耳味甚佳好網目補

晉興有烏潸人以鼻飲水口中進噉如故御覽

永昌郡西南一千五百里有繳濮國其人有尾欲坐

輒先穿地作穴以安其尾若邂逅誤折其尾卽死也

廣記

桂父常食桂葉見知其神尊事之一旦與鄉曲別飄

然入雲

初學記

力陳嶺民人居之伐船爲業隨樹所居就以成槽皆

去水艱遠動有數里山生草名曰膏藤津汁軟滑無

物能比導地牽之如流五六丈船數人便運

御覽

增城縣白水山有五距鳥縣北又有搜山有荔枝樹

高八丈相去五丈而連理

寰宇記

貝凡有八紫貝最其美者出交州大貝出巨延州與

行賈貿易

類聚

鄧平縣有鉄石

御覽

魴魚廣而肥甜魚之美者也

鯨鯢長百丈大亦稱之雌曰鯢雄曰鯨目卽明月珠

死不見有眼睛而噴浪駭於雲日

並初學記

鬻廣尺餘形如慰斗頭如蟻蝦腹下有十足南人重

之以爲鮓

御覽

鰩魚長二丈大數圍皮皆鱗物生子子小隨母覓食

驚則還入母腹水經注

新寧郡東溪甚饒蛟及時害人曾於魚梁上得之其長丈餘形廣如楯修頸小頭胸前赭背上青斑脇邊若錦

吊蛇頭鼉身亦水宿木棲俗謂為吊膏至輕利以銅瓦器貯之浸出而唯雞卵盛之不漏其磨治諸毒腫

絕驗正字通引此云弔生嶺南蛇頭龜身

林任甲蟲嗜臭肉人亦死食盡紛紛滿屋非可驅殺也

興寧縣義熙四年忽有數十大鳥大如鶩一日化為虎

新寧縣有獨足鳥大如鵠其色蒼其名自呼獨足綱目引作獨廣有獨足鳥不言新寧

廣寧縣有金鳥純白口脚如金其鳴自呼燕有三種於巖崖者為上燕並御覽

根杜出五色鸞鵠初學記

木綿枝似桐枝葉似胡桃葉而稍大出交廣二州御覽

廣州有桃枝竹類聚

石林竹勁利削為刀切截象皮如截草也北戶錄

篋勞竹皮薄而空多大者徑不逾二寸皮上有麤澀

文可為錯子錯甲利勝於鐵若鈍以漿水燒之還復

快利廣記

白荆堪為履紫荆堪為牀御覽○正字通引此云荆

酉平縣出臯盧荅之別名葉大而澀南人以為飲書鈔

羅浮山有橘夏熟實大如李剥皮噉則酢合食極甘

又有壺橘形色都是甘但皮厚氣臭味亦不劣齊民要術

盧橘皮厚大小如甘酢多九月結實正赤明年二月

更青黑孰史記正義○齊民要術引此云色至二月漸變為青至夏孰味亦不異冬時土人呼

為壺橘其類有七八種不如吳會橘

廣州別有柚號為雷柚實大如升

枸椽樹似橘實如柚大而倍長味奇酢皮以蜜煮為

糝並齊民要術

龍眼子似荔枝而圓七月熟荔枝樹高五六丈大如

桂樹實如雞子甘而多汁似安石榴有甜酸者至日

禺中翕然俱赤即可食置為驛也後漢書和帝紀注

廣州每歲進荔枝郵傳者疲斃於道漢朝下詔止之

今猶修事荔枝煎進焉其樹自經尺至於合抱葉密如冬青木性堅重其根土人多取爲阮咸槽彈弓碁局

荔枝壺橘南珍之上菱蓮棗柿爲其次並御覽

枇杷若榴參乎京都類聚

橄欖酒御覽

嶺外檳榔小於交趾者而大於蒟子土人亦呼爲檳

榔

五子樹實如梨裏有五核因名五子治霍亂金瘡

槃多樹不花而結實實從皮中出自根着子至杪如

橘大食之遇熱內許生蜜一樹皆有數十並齊民要術

鬼目益智直爾不敢噉可爲漿也

有瓜冬熟號爲金釵味乃甘美

薤菜生水中以爲菹

彰平縣偏饒麥門冬出當歸續斷半夏並御覽

菖蒲澗盤石上水從上過味甘冷異於常流寰宇記

大食國出金最多貿易並用金錢

石硫黃生崑崙及波斯國西方明之境顛塊瑩淨不



夾石者良

草犀生嶺南及海中獨莖對葉而生如燈臺草根若

細辛

並本草綱目

白塔水庾水胥水三水之源出龍川經增城而流入

海

寰宇記引廣州山水記

案隋唐志俱不載裴顧二人時代爵里

亦皆無考大要係晉宋間人而裴氏在前諸書稱

引亦裴氏為多或又引作南海記實即此一書也

今並鈔出史記正義三條前漢書注一條後漢書

注四條通鑑注一條水經注三條類聚八條初學

記四條書鈔三條白帖一條御覽三十四條寰宇

記七條太平廣記二條事類賦注一條北戶錄一

條齊民要術六條本草綱目三條又附錄廣州山

水記一條

水滸傳

第一回 張橫夜劫黃河船 宋江夜放晁蓋舟

話說那張橫在黃河船隻劫掠，晁蓋在江上放舟。

晁蓋道：「兄弟，你且慢走，且聽我說。」

張橫道：「你且慢走，且聽我說。」

晁蓋道：「兄弟，你且慢走，且聽我說。」

張橫道：「你且慢走，且聽我說。」

晁蓋道：「兄弟，你且慢走，且聽我說。」

張橫道：「你且慢走，且聽我說。」

晁蓋道：「兄弟，你且慢走，且聽我說。」

張橫道：「你且慢走，且聽我說。」

晁蓋道：「兄弟，你且慢走，且聽我說。」

張橫道：「你且慢走，且聽我說。」

晁蓋道：「兄弟，你且慢走，且聽我說。」

張橫道：「你且慢走，且聽我說。」

晁蓋道：「兄弟，你且慢走，且聽我說。」

序錄

唐志宋孝王關東風俗傳六十三卷

隋志無

後魏書列傳曰介休宋孝王好緝文形貌矬陋而好臧否人物時論甚疾之爲北平王文學求入文林館不遂因非毀朝士別錄二十卷會周武滅齊改爲關東風俗傳更廣聞見勒成三十卷言多妄謬篇第冗雜無著述體周大象末預尉遲迴事遇害

史通曰近宋孝王關東風俗傳有墳籍志其所錄

皆鄴下文儒之士讐校之司所列書名唯取當時  
撰者習茲楷則庶免譏嫌語曰雖有絲麻無棄菅  
削於宋生得之矣 又曰有躬爲史臣手自刊削  
雖志存該博而才闕倫敘除煩則意有所悛畢載  
則言有所妨遂乃定彼榛楛列爲子注若宋孝王  
關東風俗傳王邵齊志之類是也 又曰王宋著  
書敘元高時也抗辭正筆務存直道方言世語由  
此舉彰而今之學者皆尤二子以言多滓穢語傷  
淺俗夫本質如此而推過史臣猶鑑者見媠姆多

媠而歸罪於明鏡也 又曰次有宋孝王風俗傳  
王劭齊志其敘述當時亦務在審實按于時河朔  
王公箕裘未隕鄴城將相薪構仍存而二子書其  
所諱曾無憚色剛亦不吐其斯人歟

謨案劉氏史通盛推宋孝王此書而隋志諸史門  
類竟不著錄唐初類書亦未見稱引豈此書唐初  
尚未流布歐虞諸人俱未得見至中唐始顯故劉  
氏稱道若此杜氏通典遂得采而錄之歟今亦僅  
從通典鈔出二條

漢委大書金

漢委大書金

漢委大書金

漢委大書金

漢委大書金

漢委大書金

漢委大書金

漢委大書金

漢委大書金

關東風俗傳

金谿王 謨仁圃輯

其時強弱相凌恃勢侵奪富有連畛亘陌貧無立錫之地昔漢氏募人徙田恐遺墾課令就良美而齊氏全無斟酌雖有當年權格時斲施行爭地文案有三年十年不了者此田授受無法者也其賜田者謂公田及諸橫賜之田魏令職分公田不問貴賤一人一頃以供芻秣自宣武出獵以來始以永賜得聽賣買遷鄴之始濫職衆多所得公田悉從貨易又天保之代

會遙歷首人田以充公簿比武平以後橫賜諸貴及外戚佞寵之家亦以盡矣又河渚山澤有可耕墾肥饒之處悉是豪勢或借或請編戶之人不得一壟糾賞者依令口分之外知有買匿聽相糾列還以此地賞之至有貧人實非贖長買匿者苟貪錢貨詐吐壯丁口分以與糾人亦既無田即便逃走怙賣者怙荒田七年熟田五年錢還地還依令聽許露田雖復不聽賣買賣亦無重責貧戶因王課不濟貨賣田業至春困急輕致藏走亦有懶惰之人雖存田地

不肯肆力在外浮遊三正賣其口田以供租課比來頻有還人之格欲以招慰逃散假使贖還即賣所得之地地盡還走雖有還名終不肯住正由縣聽其賣估田園故也廣占者依令奴婢請田亦與良人相似以無田之良口比有地之奴牛宋世良天保中獻書請以富家牛地先給貧人其時朝列稱其合理

昔六國之亡豪族處處而有秦氏失馭競起爲亂及漢高徙諸大姓齊田楚景之輩以實關中蓋所以彊本弱末之計也文宣之代政令嚴猛羊畢諸豪頗被

徙遂至若瀛冀諸劉清河張宋并州王氏濮陽侯族  
諸如此輩一宗近將萬室烟火連接比屋而居獻武  
初在冀郡大族蝟起應之侯景之反河南侯氏幾爲  
大患有同劉元海石勒之衆也凡種類不同心意亦  
異若遇間隙先爲亂階時宋世良獻書以爲魏氏十  
姓八氏三十六姓皆非齊代腹心請令散配郡國無  
士族之處給地與人一則令其就彼仕宦全其門戶  
二則分其氣勢使無異圖文宣不納數年之後乃濫  
戮諸元與其酷暴誅夷未若防其萌漸分隸諸郡

